



Empower ECER lahir pelajar Orang Asli cemerlang SPM 2017

PROGRAM Latihan Kemahiran Akademik empower Wilayah Ekonomi Pantai Timur (ECER) Berjaya memberi impak positif dalam meningkatkan pencapaian pelajar luar bandar, khususnya pelajar Orang Asli.

Kebberesan program anjuran Majlis Pembangunan Wilayah Ekonomi Pantai Timur (ECERDC) dan UMP Advanced ini dibuktikan melalui keputusan peperiksaan Sijil Pelajaran Malaysia (SPM) lalu apabila dua pelajar Orang Asli daripada antara peserta beroleh keputusan cemerlang dan membanggakan.

Pengurus Projek empower ECER Shamsulkahar Abdul Shukor berkata, beliau bangga dengan kejayaan pelajar berkenaan sekaliups membuktikan kesungguhan mereka dalam pelajaran pasti membawa hasil.

Menurutnya, melalui kesungguhan mereka sendiri ditambah dengan pendedahan yang diberikan melalui program empower ECER menjadikan mereka pelajar yang lebih bermotivasi tinggi untuk berjaya demi mengubah masa depan diri.



Azni dan Adilah bersama Shamsulkahar dan kakitangan UMP, Nadiana Roseda selepas pengumuman keputusan SPM 2017, kelmarin.

dan keluarga.

Katanya, dua pelajar itu, Adilah Adi, 18 dari Sekolah Menengah Kebangsaan (SMK) Lepar dan Azni Muhammed, 18 dari SMK Paloh Hinai merupakan antara pelajar yang mengikuti Program Latihan Kemahiran Akademik empower

ECER.

"Program empower ECER ini memberi impak cemerlang dan mencapai matlamat, di antaranya peningkatan Gred Purata Murid dan Sekolah," katanya.

Sementara itu, Adilah yang memperoleh keputusan 6A,

1B da 1D tidak menyangka mampu mencapai kejayaan membanggakan itu.

Katanya, kejayaan itu hadiah untuk kedua ibubapanya Adi Man, 37 dan Gayah Wahab, 35.

"Empower ECER yang dijalankan terutama kelas

tambahan secara percuma di sekolah memang sangat membantu saya dalam memahami mata pelajaran yang dianggap sukar.

"Selain itu, tunjuk ajar dan dorongan guru SMK Lepar juga banyak membantu kejayaan saya ini," katanya.

Sementara itu Azni yang memperoleh keputusan cemerlang 6A 1B 1D diumumkan antara pelajar cemerlang SMK Paloh Hinai.

Walaupun menghadapi pelbagai cabaran, Azni dari Kampung Melai, Tasik Chini memilih untuk tinggal di asrama kerana rumahnya tidak mempunyai bekalan elektrik.

Kesempatan tinggal di asrama digunakan sepenuhnya untuk menumpukan kepada pelajaran dengan harapan untuk membantu mengubah nasib keluarga.

"Program empower EduTour yang dijalankan pihak Universiti Malaysia Pahang (UMP) memberi inspirasi kepada saya untuk belajar bersungguh-sungguh demi impian menyambung pengajian ke menara gading," katanya.